



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK

Broj: 02-11-3-3043-14/20

Datum: 10.09.2020.godine

Na osnovu člana 70. stav 1. a u vezi sa članom 64. stav 1. tačka b) Zakona o javnim nabavkama Bosne i Hercegovine ("Službeni glasnik BiH", broj: 39/14) i Zapisnika o pregledu i ocjeni ponuda od 09.09.2020.godine, sačinjenog od strane Komisije za nabavke imenovane rješenjem Općinskog načelnika, Općinski načelnik, donosi:

ODLUKU

o izboru najpovoljnijeg ponuđača

I

Najpovoljnija ponuda za robe u predmetu "Nabavka kancelarijskog materijala" po lotovima je za:

- Lot-1 Nabavka kancelarijskog materijala po cijeni bez PDV-a od 6.651,00KM (slovima: šesthiljadašeststotinapedesetjedna i 00/100 konvertibilnih maraka) odnosno sa PDV-om u iznosu od 7.781,67KM (slovima: sedamhiljadasedamstotinaosamdesetjedna i 67/100 konvertibilnih maraka) je ponuda ponuđača R&S doo Sarajevo,
- Lot-2 Nabavka tonera po cijeni bez PDV-a od 19.200,00KM (slovima: devetnaesthiljadadvijestotine i 00/100 konvertibilnih maraka) odnosno sa PDV-om u iznosu od 22.464,00KM (slovima: dvadesetdvijehiljadečetiristotinešestdesetčetiri i 00/100 konvertibilnih maraka) je ponuda ponuđača R&S doo Sarajevo.

II

Ponuda je dostavljena u konkurentskom zahtjevu za dostavu ponuda koji je objavljen na Portalu javnih nabavki dana 06.08.2020.godine pod brojem: 375-7-1-192-3-46/20, kriterij za dodjelu ugovora je najniža cijena.

III

Obavezuje se izabrani ponuđač (ukoliko uz ponudu nije dostavio) da u roku od 5 dana od dana prijema ove Odluke dostavi ugovornom organu potrebnu dokumentaciju kojom dokazuju svoju ličnu, ekonomsku i finansijsku sposobnost na način i u formi koja je propisana tenderskom dokumentacijom.

IV

Ponuda ponuđača PLAN PLUS doo Zenica za Lot-2 Nabavka tonera se odbacuje iz razloga što ponuđač uz ponudu nije dostavio traženu dokumentaciju kako je to propisano tenderskom dokumentacijom, te je ista ocijenjena kao formalno neispravna.

V

Za realizaciju Odluke zadužuju se Služba za društvene djelatnosti i investicije općine Tešanj.

VI

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

VII

Ova odluka objavit će se na web-stranici Općine Tešanj www.opcina-tesanj.ba, shodno članu 70. stav 6. Zakona o javnim nabavkama.

O b r a z l o ž e n j e

Postupak javne nabavke za robe "Nabavka kancelarijskog materijala" pokrenut je Odlukom o pokretanju postupka broj:02-49-1-3043-2/20 od 04.08.2020.godine. Odabran je konkurentski zahtjev

za dostavu ponuda sa podjelom na lotove, koji je objavljen na Portalu javnih nabavki dana 06.08.2020.godine pod brojem: 375-7-1-192-3-46/20, procijenjena vrijednost javne nabavke je 34.000,00KM a kriterij za dodjelu ugovora je najniža cijena.

U ostavljenom roku za dostavu ponuda pristiglo je 5 (pet) ponuda i to: ponuda AERO EXCLUSIVE doo Sarajevo, PJ Tuzla (Lot-1 i Lot-2), ponuda R&S doo Sarajevo (Lot-1 i Lot-2), ponuda PLAN PLUS doo Zenica (Lot-1 i Lot-2), ponuda SVJETLOSTKOMERC DD Sarajevo (Lot-1 i Lot-2) i ponuda ELKOM doo Vitez (Lot-1 i Lot-2).

Komisija za javne nabavke imenovana rješenjem Općinskog Načelnika broj: 02-11-3-3043-5/20 od 21.08.2020. godine izvršila je dana 27.08.2020.godina javno otvaranje ponuda o čemu je sačinila Zapisnik sa otvaranja ponuda i isti prosljedila svim ponuđačima.

Komisija je na zatvorenoj sjednici izvršila provjeru formalne ispravnosti sadržaja pristiglih ponuda, te ustanovila da je 5 (pet) ponuda za Lot-1 Nabavka kancelarijskog materijala i 4 (četiri) ponude za Lot-2 Nabavka tonera formalno ispravne (sadržajno kompletne i ispravnog sadržaja) i da se kao takve mogu ocjenjivati u skladu sa zahtjevom za dostavu ponuda.

U svrhu dokazivanja da ispunjavaju uslove za primjenu preferencijalnog tretmana domaćeg ponuđači su bili dužni uz ponudu dostaviti : Original ili ovjerenu kopiju Potvrde Vanjsko trgovinske komore BiH , Privredne komore Federacije BiH ili Republike Srpske kojom dokazuju da 50% ukupne vrijednosti od ponuđenih roba imaju porijeklo iz Bosne i Hercegovine (Potvrda treba da bude izdata za predmetni postupak javne nabavke i da glasi na ponuđača), ni jedan od ponuđača nije dostavio dokumentaciju traženu tačkom tenderskom dokumentacijom, te je nastavljen postupak u pravcu zakazivanja E-aukcije jer je tenderskom dokumentacijom i predviđena E-aukcija.

Tačkom 5.1. Tenderske dokumentacije predviđeno je da će se u ovom postupku dodjele ugovora primjenit E-aukcija za ponuđače koji su podnijeli prihvatljive ponude te je ugovorni organ zakazao E-aukcija za dan 07.09.2020.godine za Lot-1 Nabavka kancelarijskog materijala od 10:00 sati sa vremenskim trajanjem od 10 (deset) minuta a za Lot-2 Nabavka tonera od 11:00 sati sa vremenskim trajanjem od 10 (deset) minuta.

Iz Izvještaja o toku i završetku E-aukcije od 07.09.2020.godine vidljivo je da R&S doo Sarajevo kao ponuđač zauzima prvo mjesto na Konačnoj listi ponuđača koji su učestvovali u E-aukciji i za Lot-1 Nabavka kancelarijskog materijala i za Lot-2 Nabavka tonera, te je ugovorni organ iz Izvještaja o toku i završetku E-aukcije preuzeo Konačnu listu ponuđača koji su učestvovali u E-aukciji kako slijedi:

Lot-1 Nabavka kancelarijskog materijala

1. R&S doo Sarajevo
2. PLAN PLUS doo Zenica
3. ELKOM doo Vitez
4. AERO EXCLUSIVE doo Sarajevo, PJ Tuzla
5. SVJETLOSTKOMERC DD Sarajevo

Lot-2 Nabavka tonera

1. R&S doo Sarajevo
2. ELKOM doo Vitez
3. AERO EXCLUSIVE doo Sarajevo, PJ Tuzla
4. SVJETLOSTKOMERC DD Sarajevo

Komisija je kod ocjene ponuda takođe utvredila da ponuda ponuđača PLAN PLUS doo Zenica oblikom i sadržajem ne odgovara traženim uslovima iz tenderske dokumentacije za Lot-2 Nabavka tonera, naime: - tačkom 9.1.2. tenderske dokumentacije u predmetnom nadmetanju omogućuje se zainteresiranim ponuđačima nuđenje „ekvivalentnih“ ili „jednakovrijednih“ tonera koji opisom, kvalitetom i namjenom moraju odgovarati za pravilnu upotrebu na uređajima za kopiranje i printanje koji su navedeni u obrascu za cijenu ponude a tačkom 9.1.3. tenderske dokumentacije propisano je da ponuđači Ekvivalentnost ili jednakovrijednost ponuđenih artikala dokazuju dostavom uz ponudu **Ispitnog izvještaja (Test Report) (original ili ovjerena kopija)** – dakle radi se o izvještaju o kapacitetu ispisa tonera, prema metodologiji opisanoj u normi ISO/IEC 19798:2007, ISO/IEC 19752:2004, ISO/IEC 24711:2006, kojim se dokazuje da minimalni kapacitet ispisa ponuđenih tonera

odgovara kapacitetu tonera navedenih u obrascu za cijenu ponude. Ispitni izvještaj mora biti ovjeren od strane proizvođača.

Ispitni izvještaj obavezno mora sadržavati sljedeće elemente: broj tonera iskorištenih u ispitivanju (minimalno 10), tip tonera, broj printera na kojima je testiran (minimalno 4), serijski brojevi printera koji su korišteni u ispitivanju. Ugovorni organ zadržava pravo da provjeri ispravnost navedenih serijskih brojeva printera na svakom ispitnom izvještaju.

Ponudač PLAN PLUS doo Zenica za Lot-2 Nabavka tonera i ako je u svojoj ponudi ponudio "ekvivalentne" tonere (od 29 vrsta tonera koji se traže tehničkom specifikacijom za 9 tonera je ponuđen "ekvivalent") nije dostavio **Ispitni izvještaj (Test Report)** u formi kako je to traženo tačkom 9.1.3. tenderske dokumentacije, isti nije dostavljen u originalu ili ovjerenoj kopiji, niti je ovjeren od strane proizvođača i ne sadrži sve elemente koji su propisani tačkom 9.1.3. tenderske dokumentacije to jest nesadrži podatke o broju tonera iskorištenih u ispitivanju (minimalno 10), tip tonera, broj printera na kojima je testiran (minimalno 4), serijski brojevi printera koji su korišteni u ispitivanju.

Ponuda PLAN PLUS doo Zenica za Lot-2 Nabavka tonera je u skladu sa članom 68. Zakona o javnim nabavkama Bosne i Hercegovine ("Službeni glasnik BiH", broj: 39/14) odbačena, kako je navedeno u tački 4. dispozitiva ove Odluke.

Shodno navedenom, Komisija za javnu nabavku je prema utvrđenom kriteriju "najniža cijena ekonomski prihvatljive ponude" preporučila Općinskom Načelniku, općine Tešanj (Zapisnik o pregledu i ocjeni ponuda broj:02-11-3-3043-13/20 od 09.09.2020.godine), da se u predmetu javne nabavke roba "Nabavka kancelarijskog materijala", donese Odluka o izboru najpovoljnijeg ponuđača i da se kao najbolje ocijenjena prihvatljiva ponuda za robe odnosno za Lot-1 Nabavka kancelarijskog materijala određuje i za Lot-2 Nabavka tonera prihvati ponuda ponuđača R&S doo Sarajevo, odnosno kako je to navedeno u tački I ove Odluke, te da se sa istim zaključi ugovor u skladu sa ponudom i postignutom cijenom na E-aukciji navedenog ponuđača za robe predmetne nabavke.

Uzimajući u obzir sve navedeno, a primjenom člana 64. stav 1. tačka b) Zakona o javnim nabavkama Bosne i Hercegovine ("Službeni glasnik BiH", broj: 39/14) kao najpovoljniji izabran je ponuđač R&S doo Sarajevo Lot-1 Nabavka kancelarijskog materijala sa cijenom bez PDV-a od 6.651,00KM (slovima: šestihiljadašeststotinapedesetjedna i 00/100 konvertibilnih maraka) odnosno sa PDV-om u iznosu od 7.781,67KM (slovima: sedamhiljadasedamstotinaosamdesetjedna i 67/100 konvertibilnih maraka) a za Lot-2 Nabavka tonera sa cijenom bez PDV-a od 19.200,00KM (slovima: devetnaestihiljadadvijestotine i 00/100 konvertibilnih maraka) odnosno sa PDV-om u iznosu od 22.464,00KM (slovima: dvadesetdvijehiljadečetiristotinešestdesetčetiri i 00/100 konvertibilnih maraka).

Pouka o pravnom lijeku: Žalba na Odluku o izboru najpovoljnijeg ponuđača izjavljuje se URŽ-u putem ugovornog organa u roku od 5 dana od dana prijema Odluke, na način propisan Zakonom o javnim nabavkama Bosne i Hercegovine (Sl.glasnik BiH broj:39/14).

DOSTAVLJENO:

1. Ponuđači x 5,
2. Služba za društvene djelatnosti i investicije,
3. Web stranica općine Tešanj, elektronski,
4. Predmet.

Handić



OPĆINSKI NAČELNIK

Suad Huskić
mr.sci. Suad Huskić

